

381

Na temelju članka 66. Zakona o organizaciji organa uprave u FBiH („Službene novine Federacije BiH“, broj: 35/05) i članka 25. stavak (2) Zakona o javno-privatnom partnerstvu („Službene novine Tuzlanskog kantona“, broj: 19/17), Ministarstvo privrede Tuzlanskog kantona d o n o s i

P R A V I L N I K**O USPOSTAVLJANJU I VOĐENJU REGISTRA
UGOVORA O JAVNO-PRIVATNOM
PARTNERSTVU****I. OPĆE ODREDBE****Članak 1.****(Predmet pravilnika)**

Pravilnikom o uspostavljanju i vođenju Registra ugovora o javno-privatnom partnerstvu (u daljem tekstu: Pravilnik), uređuje se Registar ugovora o javno-privatnom partnerstvu (u daljem tekstu: Registar), a naročito sadržaj i način vođenja Registra, subjekti upisa, postupak upisa ugovora o javno-privatnom partnerstvu (u daljem tekstu: ugovor o JPP-u) u Registar, sadržaj i oblik potrebne dokumentacije za upis, unos i pohranjivanje podataka, ovlaštene osobe za pristup podacima iz Registra, te čuvanje i zaštita podataka.

II. DEFINICIJA REGISTRA I OVLAŠTENO TIJELO**Članak 2.****(Definicija registra i podaci
koji se upisuju u Registar)**

Registar predstavlja službenu evidenciju i izvor informacija o svim ugovorima o JPP-u zaključenih na području Tuzlanskog kantona, koji se vodi u pisanoj i elektroničkoj formi.

U Registar se upisuju podaci iz ugovora o JPP-u i ostale dokumentacije propisane ovim pravilnikom, pomoću njega se upravlja bazom podataka, osigurava dostupnost podacima, te njihova zaštita.

Članak 3.**(Tijelo ovlašteno za vođenje registra)**

Registar vodi Ministarstvo privrede Tuzlanskog kantona (u daljem tekstu: Ministarstvo).

**III. SUBJEKTI UPISA, UPISIVANJE PODATAKA
I DOKUMENTACIJA ZA VERIFIKACIJU****Članak 4.****(Subjekt upisa u Registar)**

- (1) Subjekt upisa u registar je javni partner.
- (2) Javni partner dužan je u roku od osam dana od dana zaključenja ugovora o JPP-u izvršiti upis istog u elektroničku aplikaciju Registra i kod Ministarstva dostavljanjem dokumentacije za verifikaciju.

Članak 5.**(Upisivanje podataka i sadržaj Registra)**

(1) Ugovori se elektronički registriraju na način da se upisuju podaci u elektroničku aplikaciju Registra, koju vodi i održava Ministarstvo.

(2) Registar se sastoji iz dva dijela. Prvi dio sadrži podatke vezane za prijavu upisa, a u drugi dio sadrži podatke vezane za prijavu upisa promjena.

(3) Podaci na temelju kojih se obavlja prijava upisa ili prijava promjene upisa su podaci o ugovoru, podaci o javnom partneru, podaci o privatnom partneru i podaci o društvu posebne namjene.

(4) Nakon što se završi upis svih traženih podataka, javni partner iz elektroničke aplikacije tiska obrasce koji sadrže podatke iz stavka (3) ovog članka, te ih sa pratećom dokumentacijom šalje Ministarstvu na verifikaciju upisanih podataka.

(5) Verifikacijom upisanih podataka u Registar, svaki ugovor o JPP-u se označava svojim identifikacijskim rednim brojem upisa u tekućoj godini (u daljem tekstu: ID broj), a označavanje počinje od 001/godina upisa.

(6) U Registru se verifikuju upisi ugovora o JPP-u na temelju potpuno i točno ispunjene prijave upisa, a sve promjene na temelju potpuno i točno ispunjene prijave promjene upisa.

(7) Ministarstvo obavještava subjekte upisa o verifikaciji upisa u Registar, na način da dostavlja elektroničku i pismenu obavijest o upisu u Registar i ID broj registriranog ugovora o JPP-u.

Članak 6.**(Dokumentacija za verifikaciju i rok dostave)**

(1) Obrasci na temelju kojih se obavlja verifikacija prijave upisa ili prijave promjene upisa iz članka 5. stavak (4) ovog pravilnika sastoje se iz četiri dijela:

- a) Obrazac 1. „Podaci o ugovoru“,
- b) Obrazac 2. „Podaci o javnom partneru“,
- c) Obrazac 3. „Podaci o privatnom partneru“ i
- d) Obrazac 4. „Podaci o društvu posebne namjene“.

(2) Javni partner je, uz sve obrasce koje dostavlja radi verifikacije prijave upisa, dužan dostaviti Ministarstvu Ugovor o JPP-u sa svim dodacima i priložima, u originalu ili kao fotokopiju ovjerenu pečatom javnog partnera, u roku od 15 dana od dana zaključenja ugovora.

(3) Uz obrasce koje dostavlja radi verifikacije prijave promjene upisa, prilaže se svaka izmjena i dopuna ugovora i dodataka, u originalu ili kao fotokopija ovjerena pečatom javnog partnera, u roku od 15 dana od dana nastanka promjene.

(4) U obrascima koje dostavlja radi verifikacije prijave promjene upisa, obvezno se upisuje ID broj ugovora na koji se promjene odnose, te dostavljaju obrasci iz stavka (1) ovog članka na koje se promjene odnose.

(5) Obrasci iz stavka (1) ovog članka potpisuju se i ovjeravaju službenim pečatom javnog partnera.

(6) Svi obrasci i potrebna dokumentacija podnose se kao preporučena pošiljka s povratnicom na adresu Ministarstva, objavljenu na internet stranici Vlade Tuzlanskog kantona, sa naznakom „Za Registar ugovora o JPP-u“ ili putem elektroničke pošte na e-mail: jpp@tk.kim.ba.

(7) Dostavnica s upisanim datumom, ovjerena i potpisana od službene osobe, odnosno elektronička potvrda o prijemu elektroničke pošte vraća se pošiljatelju.

Članak 7.**(Provjera dostavljene dokumentacije)**

(1) Prilikom svake verifikacije upisa u Registar, Ministarstvo provjerava odgovaraju li podaci iz obrazaca prijave upisa, odnosno prijave promjene upisa, podacima iz ugovora o JPP-u, odnosno dodataka ugovora o JPP-u.

(2) Ako se provjerom utvrdi da u obrascima iz stavka (1) ovog članka nedostaje neki podatak ili da neki od podataka ne odgovara podatku navedenom u ugovoru o JPP-u, javnom partneru se šalje pismena i elektronička obavijest o zaprimljenoj nepotpunoj i/ili netočnoj dokumentaciji, radi dostave nove (dopunjene, odnosno ispravljene) prijave upisa, odnosno prijave promjene upisa.

(3) Javni partner dužan je u roku od osam dana od dana prijema obavijesti iz stavka (2) ovog članka, dostaviti novu prijavu upisa, odnosno prijavu promjene upisa.

IV. PRISTUP, POHRANJIVANJE I ČUVANJE PODATAKA IZ REGISTRA**Članak 8.****(Javnost podataka iz Registra)**

(1) Podaci iz Registra su javni, te su dostupni svim fizičkim i pravnim osobama putem elektroničke aplikacije Registra, bez naknade i drugih ograničenja, osim ograničenja koja proizilaze iz propisa o zaštiti intelektualnog vlasništva, zaštiti osobnih podataka, tajnosti podataka i poslovnoj tajni.

(2) Sukladno odredbama ovog pravilnika, Ministarstvo će na temelju pisanog zahtjeva, izdati uvjerenje sa ispisom podataka iz upisanog ugovora o JPP-u.

(3) Na uvjerenje iz stavka (2) ovog članka plaća se taksa u visini utvrđenoj Zakonom o kantonalnim administrativnim taksama i tarifi kantonalnih administrativnih taksi.

Članak 9.**(Pohranjivanje, zaštita i čuvanje podataka iz Registra)**

(1) Ugovor o JPP-u, svi dodaci i prilozi, te njihove izmjene, prijava upisa, odnosno prijava promjene upisa i druga dokumentacija čine zbirku isprava Registra, koje se pohranjuju i čuvaju trajno u arhivi Ministarstva.

(2) Ugovor o JPP-u, svi dodaci i prilozi, mogu se koristiti isključivo za provjeru točnosti popunjenih obrazaca prijave upisa, odnosno prijave promjene upisa, na način određen u članku 7. ovog pravilnika, te se ne mogu koristiti u druge svrhe.

(3) Ministarstvo upravlja elektroničkom bazom podataka i zbirkom isprava Registra, te osigurava zaštitu baze podataka i dokumenata koji su pohranjeni u arhivi.

V. ZAVRŠNE ODREDBE**Članak 10.****(Priručnik za korisnike)**

U svrhu prezentacije načina korištenja Registra, postupka upisa i ispisa podataka, te svih drugih informacija vezanih za Registar, Ministarstvo će pripremiti Priručnik za uporabu i korištenje Registra ugovora o JPP-u, koji će biti dostupan svim korisnicima na elektroničkoj aplikaciji Registra i web stranici Vlade Tuzlanskog kantona.

Članak 11.**(Stupanje na snagu Pravilnika)**

Ovaj pravilnik stupa na snagu osmog dana od dana objavljivanja u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
Tuzlanski kanton
Ministarstvo privrede
Broj: 03/1-02-11534/18
Tuzla, 13.04.2018. godine

MINISTAR

Osman Puškar, prof., v.r.

382

Komisija za koncesije Tuzlanskog kantona, na 44. sjednici održanoj dana 28.03.2018. godine, razmatrajući Prijedlog ugovora o dodjeli koncesije privrednom društvu „Lovac“ d.o.o. Ormanica, općina Srebrenik, za zahvatanje vode iz Bezimenog potoka za potrebe jezera – revira koji se nalazi u krugu športsko - rekreacionog centra „Orion“ u naselju Ormanica, općina Srebrenik, koji treba da zaključe Ministarstvo poljoprivrede, šumarstva i vodoprivrede Tuzlanskog kantona i privredno društvo „Lovac“ d.o.o. Ormanica, općina Srebrenik, na temelju članka 15., a u svezi sa člankom 27. Zakona o koncesijama („Službene novine Tuzlanskog kantona“, br. 5/04, 7/05, 6/11, 1/13, 11/14 i 12/16), glavi II. točke 3. i 7. Dokumenta o politici dodjele koncesija na području Tuzlanskog kantona („Službene novine Tuzlanskog kantona“, broj: 7/06) i članka 11., 12., 13. i 14. Pravila Komisije za koncesije Tuzlanskog kantona, donosi sljedeću

O D L U K U

ODOBRAVA SE Prijedlog Ugovora o koncesiji za zahvatanje vode iz Bezimenog potoka za potrebe jezera – revira koji se nalazi u krugu športsko - rekreacionog centra „Orion“ u naselju Ormanica, općina Srebrenik, koji treba da zaključe Ministarstvo poljoprivrede, šumarstva i vodoprivrede Tuzlanskog kantona i privredno društvo „Lovac“ d.o.o. Ormanica, općina Srebrenik.

Bosna i Hercegovina
- Federacija Bosne i Hercegovine -
TUZLANSKI KANTON
- Komisija za koncesije
Tuzlanskog kantona -
Broj: 20/1-18-10213/18
Tuzla, 28.03.2018. godine

Predsjednik komisije

Ešefa Kantić, v.r.

383

Komisija za koncesije Tuzlanskog kantona, na 45. sjednici održanoj dana 03.04.2018. godine, razmatrajući Studiju tehno-ekonomske opravdanosti dodjele koncesije za zahvatanje i korištenje prirodne izvorske vode Kristal iz bunara B-2 za pakovanje pitke vode radi njenog flaširanja i distribuiranja na tržište, koji se nalazi na zemljištu označenom kao k.č. broj 192/2 upisano u K.O. Priluk, općina Živinice, dostavljene od strane privrednog društva „Kobens“ d.o.o. Priluk - Živinice, na temelju članka 15. Zakona o koncesijama („Službene novine Tuzlanskog